



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA
o sufinansiranju kulturne manifestacije od posebnog interesa za Grad Sarajevo
26. Sarajevske večeri muzike SVEM 2020
(prijedlog)

Predlagač: Gradonačelnik Grada Sarajeva
Obradivač: Gradska služba za obrazovanje,
kulturu, sport i mlade

Sarajevo, februar 2020. g.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 10/19), Gradsko vijeće Grada Sarajeva, na sjednici od __.__.2020. g., donosi:

(prijedlog)

O D L U K U

o sufinansiranju kulturne manifestacije od posebnog interesa za Grad Sarajevo 26. Sarajevske večeri muzike SVEM 2020

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, festival klasične muzike - 26. Sarajevske večeri muzike SVEM 2020, koji će se održati u periodu od 09.05. - 16.05.2020. godine, uz finansijske obaveze Grada Sarajeva u ukupnom iznosu od 14.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

Član 3.

Sredstva se odobravaju iz Budžeta Grada Sarajeva za 2020. godinu („Službene novine Kantona Sarajevo“, broj 52/19), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

Član 4.

Gradonačelnik Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

Član 5.

Za realizaciju ove Odluke zadužuje se gradonačelnik Grada Sarajeva.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVALJUĆI GRADSKOG VIJEĆA
GRADA SARAJEVA**

Dr. Igor Gavrić

**Broj:
Sarajevo, __.__. 2020. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

RAZLOZI DONOŠENJA

Fondacija za muzičke umjetnosti, uputila je Gradskoj upravi Grada Sarajeva zahtjev za sufinansiranje kulturne manifestacije od posebnog interesa za Grad Sarajevo, 26. Sarajevske večeri muzike SVEM 2020, zaprimljen pod brojem 09-11-1664/20 od 16.02.2020. godine. Povodom predstojeće manifestacije, a koja bi se trebala održati u periodu od 09.05. - 16.05.2020. godine, Fondacija za muzičke umjetnosti je uz zahtjev za sufinansiranje pomenutog Festivala, dostavila opis projekta, projekciju prihoda i rashoda Festivala, te drugu potrebnu dokumentaciju. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije, te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sastanku od 19.02.2020. godine, razmotrio prijedlog nadležne Službe, te shodno valjanosti, značaju i kvalitetu ponuđenog programa, svoje stručno mišljenje, kao i prijedlog visine sredstava uputio na dalju proceduru

Ovogodišnji festival će se obilježiti proslavama čak dva velika svjetska muzička jubileja. Uključujući se u globalno obilježavanje 250 godina od rođenja Ludwiga van Beethovena, te obilježavanje stogodišnjice smrti kompozitora Maxa Brucha, sarajevski festival će publici donijeti pet koncerata i dvije muzičke radionice. Beethovenov jubilej bit će obilježen izvedbama koncerta za violinu i orkestar u D duru uz solisticu Alenu Baevu, te simfonija br. 5 i br. 8 u izvedbi orkestra Sarajevske filharmonije. Obilježavanje stogodišnjice Bruchove smrti bit će u znaku izvedbe čuvenog koncerta za violinu i orkestar u g molu, koji će kao solista izvesti violinista Sergej Krylov. Ostali koncerti Festivala predstaviti će raznovrstan program solističke muzike za klasičnu gitaru, kamernih ostvarenja, te crnačke duhovne (gospel i spiritual) muzike. Tako će na 26. SVEM-u će nastupiti i naš najbolji gitarist Sanel Redžić, kao i slavni vokalni kvartet "New Swing Quartet". Eminentni solisti će održati i muzičke radionice za maturante Srednje muzičke škole i studente Muzičke akademije. Radionice Jazz harmonije i Jazz aranžiranja će održati Ranko Rihtman.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2020. godinu.